



Publicaziuns dalla vischnaunca, jamna 48

Damonda da baghegiar

2019-1048.000

Datum dalla publicaziun: 29 da november

Il patrons: René e Sandra Epp, Via da Scola 7, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Construcziun d'ina casa da duas famiglias, parcella 1023, Via Cavardiras 21, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascreta dil recurrent ni da siu representant.

Disentis/Mustér, ils 29 da november 2019

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2019-2092.000

Monika e Charly Eder, Weierhofgasse 4, 9500 Wil: sanaziun dallas finiastras plaun sut il tetg e remplazzament dallas schalusas, edifeci nr. 161, parcella 738, Via Gonda 20, 7180 Disentis/Mustér. Encunter quella decisiun san ins protestar a scret enteifer 20 dis dapi la publicaziun alla suprastanza communal. Disentis/Mustér, ils 29 da november 2019

Uffeci da baghegiar Disentis/Mustér

Temps d'unviern

Restricziuns da carrar e mesiras da segirtad

Vias forestalas e funsilas

Duront igl unviern eis ei scumandau da carrar cun tuts vehichels sin las vias forestalas e funsilas. Quei scamond vala mintgamai naven digl emprem da december entochen la fin da mars, respectivamein naven dil mument che las vias ein cuvretgas cun neiv. Fullar via (rumir vias) ei scumandau (art. 10 dil reglament da traffic).

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl 1. da december 2019 entochen miez d'avrel 2020. Vegnan talas sendas e rutas passadas ordeifer quei temps, succeda quei en atgna responsabladad. Medemamein semova tut tgi che banduna sendas da viandar d'unviern, rutas da gianellas, vias rumidas dalla neiv e territori en zona da baghegiar en atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa). Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet www.disentis.ch/strassen.

Nus supplichein da prender enconuschientscha da questas directivas e giavischein in bi temps d'unviern.

Bien engraziament per la capientscha ed observaziun.

Disentis/Mustér, ils 22 da november 2019

Direcziun communal Disentis/Mustér



Seivs mobilas per la pasculaziun

Tenor art. 75, al. 1 dalla lescha da baghegiar ed art. 18 al. 1 dalla lescha d'agricultura ston tuttas seivs mobilas vegnir allontanadas sil pli tard treis dis suenter la pasculaziun. Quei vala era per seivs da gatter. Las seivs buca allontanadas vegnan pridas naven senza avisar ils pertuccai sin donn e cuost dil proprietari da terren. Nus supplichein da prender enconuschientscha da quei fatg e d'instradar las mesiras prescrettas.

Disentis/Mustér, november 2019

Uffeci da baghegiar ed infrastruttura

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. er liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la **fin da november 2019**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietari. Disentis/Mustér, november 2019

Uffeci da baghegiar ed infrastruttura Disentis/Mustér

Pigniel da Nadal 2019

Il menaschi tecnic dalla vischnaunca da Mustér organischescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 20 da december 2019 naven dallas 9.00–14.00 avon il luvratori dil menaschi tecnic a Cuoz. Sin giavisch e per in prezi surpli da frs. 5.– vegn il pigniel era furnius avon casa. Il pigniel sa vegnir empustaus cul talun aschuntau **entochen ils 12 da december 2019**:

Adressa:

Uffeci forestal Disentis/Mustér
Caum postal 57
7180 Disentis/Mustér

telefon: 081 920 36 36

Mail: uflepp@disentis.ch *Bien engraziament*

Talun d'empustaziun

Num:..... Prenom:.....

Adressa:..... Telefon:.....

Pégn (Rottanne)

1.10–1.50m	CHF 26.–tocs
1.60–2.00m	CHF 29.–tocs
2.10–2.50m	CHF 33.–tocs

Viez (Weisstanne)

1.20–1.70m	CHF 38.–tocs
1.80–2.50m	CHF 43.–tocs

Pégn da Nordmann

1.10–1.50m	CHF 41.–tocs
1.60–2.00m	CHF 56.–tocs
2.10–2.50m	CHF 78.–tocs

Furnir a casa gie..... na.....



Pinar sez il pigniel da Nadal!

Igl uffeci forestal dat era uonn la pussevkladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il selvicultur communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed in resgiut **sonda, ils 21 da december 2019, allas 9.30. Il liug da sentupada vegn publicaus quater dis avon sut www.disentis.ch/uau** Tagliar pignola en uauls da schurmetg, plontaziuns sco era ord seivs da schurmetg ei scumandau! Per sclariment stat il selvicultur Simon Cathomen bugen a disposiziun.

Uffeci forestal Disentis/Mustér

Finiastras d'Advent a Segnas

Cun grond plascher astgein presentar la successiun dallas finiastras d'Advent a Segnas. In plan da situaziun detagliau anfleis navenda igl 1. da december 2019 sin tabla nua la casa da scola a Segnas. Grond engraziament a tuts e tuttas che preparan ina biala finiastra ed a tuts visitaders giavischein bials muments.

Successiun:

25. Carla Flury-Nay
26. Nelly Huonder
27. Silvia Gerlach
28. Helen Lutz
29. Rosmarie Fry
30. Judith Cathomen
31. Corina Büchi
32. Bettina Jacomet
33. Silvia Bucheli
34. Christina Monn
35. Rosangela Giger
36. Anja Kittlich Berther
37. Isabell Sialm
38. Nadja Schmed
39. Barla Jacomet
40. Rosmaie Duff
41. Regina Giger
42. Clarissa Loretz
43. Daniela Deflorin
44. Barbara Candinas
45. Toja Maissen Berther
46. Sonja Durschei
47. Darinka Cajacob
48. Irma e Heidi Durschei
49. Artgin

Biblioteca populara Disentis/Mustér e contuorn

Historias – versets – giugs da detta

Venderdis, ils 29 da november 2019, dallas 14.30–15.00 per geniturs cun lur affons pigns ni tats e tattas cun lur biadis entochen quater onns. Vegni e tedlei versets, historias ni giugs da detta pils pigns. Nus selegrein sin vossa viseta! *Maxi, la tartaruga ed il team dalla Biblioteca populara Disentis/Mustér e contuorn*



Uniun da dunnas Disentis/Mustér

Sontgaclau viseta ils seniors

Dumengia, ils 8 da december 2019, dallas 13.30 entochen allas 16.00 en halla Cons. Cun grond plascher envidein nus convischinas e convischins da 60 onns ensi alla tradiziunala sentupada cun Sontgaclau. Cun in pign program, la viseta dil Sontgaclau ed in puschegn lein nus porscher a Vus in pèr emperneivlas uras en buna cumpignia.

Accumpignament musical: Las vuschs dil Rein

Nus selegrein da passentar ensemen cun Vus in bi suentermiezdi.

Uniun da dunnas Disentis/Mustér

Puntreis center da sanadad

Bazar

Nus havein pinau in pign bazar cun bialas caussas fatgas en nossa casa. **Dumengia, igl 1. da december 2019** allas 14.00–16.30 ella Puntreis center da sanadad. Nus selegrein sin Vossa viseta.

Cordiala invitaziun *Cussadents e voluntaris*

Herbstwollsammlung

Samstag, 30. November 2019, 8 bis 10 Uhr, Barit Baubedarf Segnas.

Sontgaclau da Segnas/Acletta

Sontgaclau viseta **ils 7 da december 2019** las famiglias da Segnas-Acletta. Ils organisaturs ein engrazieivels sche vus tarmetteis gia ordavon enqual cavazzin sur dils presents, en special sur dils affons entochen ils 4 da december 2019 a Rafael Maissen, Via Acletta 22, 7180 isentis/Mustér, e-mail: rafaelmaissen@bluewin.ch Igl oremus vegn prelegius sonda sera da Sontgaclau, **ils 7 da december 2019** allas 21.00 avon baselgia ad Acletta ed allas 23.00 ell'ustria «Cresta» a Segnas. Ei fagess grond plascher d'astgar beneventar ad Acletta era vischins da Segnas e viceversa.

Cordial engraziament

Uniun da giuventetgna Segnas-Acletta

Apparat d'udida

Gliendisdis, ils 9 da december 2019 saveis Vus schar schubergiar e rugalar Vies aparat d'udida: 9.15–10.30 en Casa sogn Martin a Trun 11.00–11.45 en Casa sogn Giusep a Cumpadials 13.15–14.30 el Puntreis, Center da sanadad a Mustér Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.



Vischinadi Segnas/Mumpé Tujetsch

Invitaziun alla radunonza generala da **venderdis, ils 6 da december** allas 20.15 en l'ustria «Cresta» a Segnas **Tractandas:**

1. beinvegni
2. elecziun dad in dumbravuschs
3. prelecziun ed approbaziun dil protocol
4. orientaziun president
5. rendaquen e rapport dils revisurs
6. fixar tscheins per diever zona
7. program da lavur
8. varia

Cordialmein envida *il president Armin Berther*

S. Clau da Funs – Latis – Clavaniev

Ils 7-12-2019 s'entaupan ils vischins e las vischinas da Funs, Latis e Clavaniev sco usitau suenter messa da S. Clau allas 17.00 el curtin dalla «villa». Plinavon dat ei era uonn in program special pils affons. Bugen fa il S. Clau era ina viseta tier Vus a casa. Annunzias ein d'inoltrar entochen ils 1-12-2019 a:

Ricardo Flepp, e-mail: ricardoflepp@gmail.com

Nus selegrein sin ina biala sera da S. Clau.

UG Funs, Latis e Clavaniev